

欽定科場條例

科場條例卷五十九

繙譯鄉會試上

現行事例

一繙譯鄉會試三年舉行一次。鄉試一場。會試

兩場。鄉試及會試頭場。均於文闈揭曉後二日。

點名入場。

按嘉慶十三年奉

旨。本年繙

譯鄉試入場日期。既與武會試內場

相值。著改於武會試內場揭曉後。再行接考。嗣

後繙譯鄉試。遇有似此相值年分。卽照此辦理。

會試第二場於文會試揭曉後五日點名入場。

如恭遇

恩科亦一體

加恩

一錄科閱卷官員搜檢王大臣由禮部題請

欽派其彈壓副都統及點名監試御史俱照考試繕

譯童生之例由順天府丞行文兵部都察院奏

派按乾隆四十三年五十二年繕譯鄉試適值

小考年分其錄科試卷俱經禮部奏明即交

考試繕譯童生之

閱卷大臣辦理  
一繕譯錄科閱卷大臣等官之子弟宗族姻親

毋庸迴避。由順天府尹恭請。

欽命繙譯題各一道。滿洲士子用漢文。令繙清文。蒙古士子用清文。令繙蒙古文。試卷由閱卷大臣選取。分別等第名次。交禮部出榜曉諭。

一入旗滿洲蒙古漢軍繙譯生員。文生員。貢生。

監生。天文生。

由生監出身者。

中書七八品筆帖式。

九品筆帖

式不准鄉試。

小京官科考列在一二三等。馬步箭合

式者俱准鄉試。如讀祝官由文生員出身者亦准鄉試。與新進生員一體入場。其由文生員坐

補防禦者不准其鄉試。

一八旗滿洲蒙古漢軍繙譯舉人。文舉人。及筆帖式。小京官。由繙譯舉人。文舉人出身者。驗看馬步箭。已經合式。均准會試。

一由知縣等官降調。及曾任地方。改補小京官者。俱不准應試。

一在京八旗滿洲蒙古漢軍應考人等。鄉試由順天府行文查取旗冊辦理會試。由禮部於上年十月內。通行八旗都統。將各旗及包衣佐領

下舉人情願會試者。造送清文漢字名冊。註明旗分佐領管領年貌三代科分。並無事故字樣。由部轉送兵部考試馬步箭。能射者准其會試。一繙譯考試前期。各該旗都統將應試士子嚴行驗看馬步箭揀選騎射可觀。以及稍可者。准其應試。其不能騎射者。停其送考。如該都統等開送平常之人。被

特派王大臣查出具奏。除本生不准應試外。其濫行咨送之該都統等。照例議處。鄉試由順天府查

明錄科名冊及馬步箭冊俱有名者方准入場。如科冊有名而箭冊無名及箭冊有名而科冊無名者俱不准考試。會試由禮部查照箭冊收卷

一直隸奉天等處八旗舉貢生監等應考繙譯鄉會試均由禮部先期行取鄉試於本年正月據順天府咨呈轉行會試於上年五月行文總督將軍都統副都統城守尉防守尉防禦等於文到日卽查明所屬應試士子人數詳細開註

滿洲蒙古漢軍字樣。並旗分佐領年貌三代。造具清文漢字名冊。備文申送在京各該旗覈實。鄉試。咨送順天府會試。禮部一體考試。

一繙譯鄉會試應考人等。由各該都統飭令該佐領出具圖結。同派出叅領領催。當場識認。方准入場。儻該佐領等有知情通同舞弊。卽奏請從嚴議處。

一試卷鄉試。順天府造辦。會試。禮部提調官造辦。務用堅厚細紙。照文場例。以官尺校定。長一

尺寬四寸為準。卷前空白九幅。以八幅印草稿。

起止。餘一幅以便彌封。連謄真十六幅。共二十

五幅。每頁用紅色分為五行。清文書於直行上。共四行。毋庸

橫格。每卷定價三錢六分。屆期該承辦衙門行

文八旗。轉傳應試士子。於場期十日前。赴提調

處投卷。其卷面分兩行填寫。首行填明年貌旗

分。滿洲蒙古漢軍佐領管領字樣。如鄉試。於佐領管

領下。填明文生貢監生。繙譯生。天文生字樣。並填三代名。字。應某年繙譯鄉試。或應蒙古繙譯

鄉試。係官並添寫中書小京官筆帖式。及現任候補候選字樣。駐防試卷。填寫卷面。見駐防繙

譯鄉。如會試。於年貌旗分佐領管領下。填明由某生中某年繙譯鄉試舉人或蒙古繙譯鄉試舉人。文生填中某年文鄉試舉人。駐防文舉人。繙譯舉人。則填明中某年某省鄉試文舉人。繙譯舉人字樣。有官者填寫字樣。並三代名字。均與鄉試同。該生等親身書寫對明交投。其鈐用印信關防與文場同。一繙譯蒙古會試。報考者至七八人。方准考試。如人數不敷。卽行停止。

一宗室人員。遇繙譯鄉會試。照文場鄉會試例考試。由宗人府先行考驗騎射合式者。鄉試造冊咨送順天府。會試咨送禮部。

一宗室繙譯鄉試一場。試以清文四書論題一道。令作清文論。漢文題一道。令繙清文。清文四書論題。恭請。

欽命。由順天府祇領。漢文題由考官擬出。所擬題於士子出闈日進。

呈。

一宗室繙譯會試。作爲一場。試以清文四書文題一道。令作清文。漢文題一道。令繙清文。清文四書文題。恭請。

欽命由宗人府府丞請領。漢文題由考官擬出。擬題進

呈與鄉試例同。

一宗室應繙譯鄉試者。足二十名之數。方准入闈。如不足數。停止考試。

一宗室應繙譯會試者。足九人之數。取中二名。如不足九人。即停止入場。

一繙譯鄉會試

欽命題目。於文鄉會試揭曉後二日請領。繙譯鄉試如遇武會

試相值年分。即於武闈內場揭曉後二日請題。

一繙譯鄉試一場恭請

欽命清文四書論題一道。滿洲蒙古士子。概令作清文論。考官再擬繙譯題各一道。滿洲士子用漢文。令繙清文。蒙古士子用清文。令繙蒙古文。

一繙譯會試兩場。第一場恭請

欽命清文四書文題一道。滿洲蒙古士子。概令作清文。

欽命清文孝經論題一道。滿洲蒙古士子。概令作清文論。第二場。由考官擬繙譯題各一道。滿洲蒙古區別。

與同其請題送題刊發事宜及考官擬題於二

場士子出闈日進

呈題紙均如文場例。

一繙譯鄉試用提調官一員以順天府府丞充  
會試用提調官一員於禮部滿洲司員內揀選  
正陪題請

欽點一員監臨知貢舉卽以文

派出之滿洲監臨知貢舉接辦如滿洲監臨知貢舉  
於未出闈之前適放外任其應否接辦繙譯抑

或另行奏

派均請

旨遵行。

一鄉會試。禮部派筆帖式二員。隨主考入場。謄寫題紙。

一鄉會試卷。宗室編宗字號。滿洲編滿字號。蒙古編蒙字號。漢軍編合字號。若蒙古士子考試。

滿洲繙譯。編滿蒙字號。按道光二十四年酌定。滿洲繙譯會試。並不分滿蒙漢取中。現在京旗蒙古報考滿洲繙譯者。僅止二人。漢軍報考滿洲繙譯者。僅止三人。駐

防蒙古士子報考滿洲繙譯者亦僅止二人若俱分晰另打字號卷數無多易於辨認恐致滋生弊端所有試卷卷尾毋庸刷滿洲蒙古漢軍字樣爾封處亦毋庸打滿蒙合字號

一繙譯鄉會試均俟文闈定有揭曉日期由部預將繙譯主考內外簾監試暨外簾各官題請欽派卽於揭曉之後一日宣

旨入場其宗室應繙譯試者於頭場先行點進另居東文場字號知會文闈原

派宗人一體入闈彈壓以示區別其外場巡察等官卽於文闈滿洲科道漢科道各員內籤掣留半

號軍供應人役。照文場例咨取。至搜檢稽察王大臣。責成文闈。

派出各員一體辦理。

一繙譯鄉會試。用滿洲正副主考官各一員。蒙古主考官一員。主考官用內閣大學士。學士。六部都察院。理藩院。通政使司。大理寺。翰林院。詹事府。掌官。禮部先期咨取。如人數不敷。並將太僕。光祿等寺卿。國子監祭酒。內閣侍讀學士。翰林院讀講學士。及滿洲京堂職名開列。開送時。

並分別註明閱滿洲或蒙古繙譯字樣。由部密封具題。

一繙譯鄉會試。正副考官。如有隨帶通曉繙譯之人。暗中襄事。監試御史。指名叅議。

一繙譯鄉會試。彈壓副都統二員。由兵部另行奏

派。並照文闈例。每翼各帶本旗叅領一員。章京一員。領催五名。一體入場彈壓。

一考試點名。由承辦場務衙門。奏請

簡派左右翼副都統各一員。屆期帶領所屬官兵。在點名之處。稽查彈壓。令士子等魚貫入場。

一繙譯鄉會試。由都察院衙門奏。

派滿洲堂官一員。漢堂官一員。專司稽查。

一題考官本內。將上一科主考官銜名。繕寫夾單一併進。

呈其領出紅本於場後移送禮科。

一繙譯鄉會試。用內簾監試。滿洲御史一員。漢御史一員。至公堂監試。滿洲御史一員。漢御史

一員入號巡察滿洲御史二員漢御史二員先期移取職名密封具題

一繙譯鄉會試外簾所官受卷所收掌所彌封所俱二員開列六部理藩院主事額外主事小京官及內閣中書大理寺太常寺光祿寺國子監所屬滿洲蒙古官員禮部先期咨取職名具題

欽派六員在至公堂掣籤分所任事

現在進場日先戳印坐號

一內簾供事應用八名行取吏戶兵刑工五部

都察院通政司大理寺書吏各一名。

一外簾分卷書吏行各部院衙門於經承書吏

內每處挑選二名。

吏禮二部各挑四名。

屆期彙送監臨知

貢舉籤掣八名入場供役鄉試由順天府咨取。

會試由禮部咨取。

一繙譯鄉會試場中應用清字書籍鄉試由順

天府會試由禮部送入場內備用。

一繙譯鄉會試係文闈揭曉後一日舉行提調

官先於文闈揭曉之日入場查勘督飭大興宛

平兩縣將應行修補打掃之處上緊趕辦妥協其場內一應動支錢糧由順天府先期查照歷科數目備辦供給。照文闈例派員經理供應。至試卷紙張。試錄桌圍等緞絹。刷印顏料文案紙劄。查照歷科數目。鄉試由順天府辦理。會試由禮部行文戶工二部。及順天府。咨取應用。其餘置備零星物件。僱覓匠作。刊刻號印等項銀兩。鄉試由順天府發交大興宛平兩縣備辦。試竣造冊送順天府報戶部覈銷。會試由提調官約

計應用銀兩。禮部行文戶部。出具印領。交提調官赴領。謹按乾隆四十四年。會試領銀二百兩。試畢繳銀三十一兩八錢一分二釐。如有餘賸。俱於場後繳回。至賃買物件。均交順天府委員採辦。照依公平價值。無得科派民間。一繙譯鄉會試。士子迴避宗族姻親。與文鄉會試例同。

一繙譯鄉會試。認識送考之叅領章京。及督牌執事各官。照文闈例咨取出派。

一繙譯鄉會試。場規闕防。均如文闈例。

一主考官在闈之日。停看本衙門稿案。閱卷用硃筆。內監試用藍筆。其刷印題紙。及繕寫進呈題目。應用墨色。交內監試掌管。

一宗室繙譯鄉試。並八旗滿洲蒙古繙譯鄉會試各中額。俱由至公堂將入場實在人數。開送到部。禮部另繕上三次應試人數。及取中名額。一併奏請。

欽定中額。

宗室繙譯會試。嘉慶二十四年奉旨。若足九人。取中二名。若不足九人。即停

止入場。

由主考總裁擬定中式名次。將試卷封固。

進

呈

欽定名次後。由監臨知貢舉拆名揭榜。試卷交禮部存貯。

一繙譯鄉會試中式各卷。封送軍機處。交

欽派覆試閱卷大臣覈對筆蹟。

一宗室並八旗滿洲。蒙古。繙譯鄉試。擬定中式

試卷。恭遇

聖駕巡幸。應否進

呈之處。由順天府先行具奏。請

旨遵行。

一填榜。用禮部理藩院筆帖式各二員。禮部滿洲筆帖式。先期隨考官入場。繕寫題紙。理藩院蒙古筆帖式。於揭曉前一日入場。

一揭曉日期。聽主考定擬。鄉試由順天府會試。由禮部繕本具題。

一鈐榜大臣。鄉試以順天府府尹充。用順天府印。會

試。禮部將滿堂官銜名。先期奏請。

欽派一員。

用禮部堂印。

均隨帶官員護印入場鈐用。

一繙譯鄉會試榜文。宗室。滿洲。蒙古各爲一榜。

兼寫清漢字。照依

欽定名次。拆去彌封。詳查旗分。佐領出身。填入宗室。

鄉會試。張掛宗人府衙門前。入旗繙譯鄉試。張

掛順天府前。會試。張掛禮部前。其護榜員弁兵

丁。均如文場例。

一揭曉後。在

殿廷覆試。由禮部奏請

欽定覆試日期並將上三次揭曉及覆試日期開列

比較進

呈。

一繙譯鄉會試覆試。繙古今文一篇。監試王大臣。閱卷大臣。俱由

特旨簡派。其試卷由閱卷大臣分擬等第。彙封進呈。

一試錄鄉試。由順天府會試。由禮部照文場例。繕寫進

呈榜後不必刊刻。

一士子中式後舉人。每名給建坊銀二十兩。進士每名給建坊銀三十兩。表裏各一端。其頒賞釋褐各事宜。與文場例同。進士題名碑記。毋庸建立。

一會試中式後。毋庸

殿試。禮部奏請

賜進士出身。得

旨。將該進士等。造具名冊。送吏部帶領引

見。

例案

雍正元年定。繙譯鄉試。監臨官會同順天府提調官。管理鄉場內外之事。會試設提調官一員。用禮部滿洲司官。先期揀選正陪。引

見點用。

按現行例。係擬定正陪具題請旨簡派一員。

又定。繙譯鄉試。應考之人。不拘清文漢字貢監生員。及現任筆帖式。能繙譯者。俱照例考試馬步箭。咨送入場。其現在文舉人能繙譯者。亦准

與繙譯會試。

又定。取中舉人進士額數。臨期視人數之多寡。

恭請

欽定。

雍正二年奉

旨。考試繙譯舉人。卽作三場考試。亦無非繙譯。作一次考好。欽此。

又定。繙譯鄉試。所有卷式。應照順天鄉試舊例。行令順天府治中造辦。其試卷草稿處。止留空。

白不印直行。膳清處用紅色直行。不用橫格。書寫卷面用漢字。卷尾關防。試卷印信。照文鄉試例遵行。

又定。繙譯應試舉子。書寫卷面。漢字生員。應書寫順天府儒學。八旗貢監。併繙譯生員。卷面。俱書寫禮部。現任筆帖式。卷面。俱書寫各該衙門。又定。鄉試造點名冊。俱寫漢字。

又議准。繙譯鄉試落卷。令本生查閱。

雍正三年奉

金匱要略卷之三  
上諭繙譯鄉試錄。嗣後不必刊刻。欽此。

雍正四年定繙譯鄉試。增添漢軍其編號之處。照文場例。滿洲蒙古用滿字號。漢軍用合字號。雍正九年遵。

旨議准。八旗蒙古人等。能繙譯滿洲蒙古文字者。照考試滿洲繙譯例。三年之內。考取舉人一次。進士一次。鄉會試與滿洲繙譯合爲一場。一同舉行。又定。繙譯鄉會試。滿洲蒙古各爲一榜。一同張掛。

欽點

又定考取蒙古繙譯鄉會試各添派蒙古主考官一員蒙古同考官二員。現裁撤同考官由該衙門咨取各部院蒙古大臣官員職名開列具題

雍正十年定蒙古繙譯編爲蒙字號

乾隆二年咨准繙譯鄉試除滿洲編爲滿字號蒙古編爲蒙字號漢軍編爲合字號外其蒙古士子考試滿洲繙譯者自應另編字號以昭差別應卽爲滿蒙字號

乾隆三年覆准繙譯鄉會兩試

欽定繙譯一題外再於清文四書內

欽命一題令士子作清文一篇。乾隆七年奏准會試頭場添孝經性理清字論

一篇。

又定清文體式照依漢文論體

乾隆四年奉

上諭今年繙譯會試取中二十二人雖從前有照例殿試之議。但此科人數甚少。不必舉行殿試。俱著賜進士出身。吏部帶領引見。候朕酌量錄用。欽此。

乾隆七年大學士伯鄂爾泰奏准繙譯會試頭

場試四書清文一篇孝經性理清字論一篇。乾隆

四十三年奏准清字論題專用孝經。二場試繙譯一篇恭請

欽命題目

嘉慶十年奉旨。二場題目由考官擬出。

乾隆十年奏准繙譯進士照文進士之例給發

建坊銀兩

恩賞表裏各一端並謁

先師孔子廟行釋褐禮

乾隆十一年奏准查雍正元年科場條例內開

現任筆帖式能繙譯者。俱照例考試馬步箭。咨送入場等語。雍正七年奉

上諭著通行入旗。凡由貢監生員考取小京官筆帖式者。若願就鄉試。俱准其與舉子等一同入場考試。欽此。是筆帖式必由貢監生員出身者。始准繙譯鄉試。雍正七年所奉

諭旨甚明。緣元年條例內有現任筆帖式能繙譯者。俱准入場之語。是以歷科以來。卽不由貢監出身之七八品筆帖式小京官及九品筆帖式。亦援

照現任之例據該旗造送一體應試相沿已久。漫無分別。伏思鄉試大典若不詳細辦理。甚非慎重科場之意。查九品筆帖式祇應考生員。若竟准其鄉試。殊屬躐等。應請嗣後九品筆帖式。俟考取生員後。再准鄉試。至七八品筆帖式。小京官。不由貢監出身者。其中不無繙譯明通之員。既已應考多年。今若停其鄉試。則伊等限於品級。又不得降等考試生員。平日所學。莫由表見。誠爲可惜。詳繹雍正七年。

諭旨。原爲振興文學。廣育人才起見。請嗣後不由貢監生員出身之現任七八品筆帖式小京官有能繙譯者。仍照雍正元年定例。准其繙譯鄉試。又大學士果毅公訥親等議覆侍郎德齡等奏稱。清話清文爲我

朝根本。照考文生員之例。考試繙譯生員舉人進士。今滿洲等俱各奮勉學習。陸續取中繙譯生員舉人甚多。但舉人係卽補放官員之人。用在部院辦事供職。無暇肄業。至生員並無應辦之

事正可學習。若不定以考課之例。則所學日漸廢棄。請嗣後繙譯鄉試之年。照文鄉試錄送之例。將舊有繙譯生員交與

欽點考試繙譯生員之大臣。於考試繙譯生員之前。分別考試。列在三等以上者。准其鄉試。其餘不准鄉試等語。查設立繙譯科。原爲鼓舞滿洲。令諸生專意學習。

國語。考取時必取真才。然後未得考取之人。方知奮勉勤學。而繙譯書史。亦能發揮清文精粹義。

理若僅照現行之例並不分別查考由該旗一概送考而主考大臣又計考試人數之多寡視其文理畧通者將就取中以致多寡不符是以二十餘年考過九次殊少優等應定考試之例求取真才令生員分別考試三等以上者准其鄉試其餘不准鄉試應如所奏交與禮部嗣後繙譯科考時將舊有繙譯生員預先查明造冊咨送

欽點考試繙譯生員之大臣於考試生員之前定期入

場分別考試列在一二三等者准其鄉試其餘不准鄉試蒙古生員亦照此例辦理。

乾隆十二年順天府咨准繙譯考試之期於軹門外設牌八面分立八處大書旗分令各旗送考之叅領章京帶領應試士子各按旗分隨牌站立聽候點名以次進軹門聽搜凡一切送考之人概不許放入軹門違者立即鎖挈治罪先期行文各旗將送考之叅領章京姓名並每翼派出之軹門叅領章京姓名開送外場巡察御

史如送考之叅領章京不按旗分。任憑士子混行。該御史卽將送考之叅領章京查叅議處。如輒門叅領一任送考之人混入擁擠。除將混入之人立卽鎖拏治罪外。仍將該叅領叅處。併將送考之叅領等一併叅處。

乾隆十三年大學士伯張廷玉等議准。查向例會試中額係由禮部將會試舉人三場實在數目題請。

欽定中額所有繙譯進士。應照文進士之例。禮部將繙

譯舉子兩場實在數目題請

欽定中額交與閱卷大臣遵

旨取中

又定項榜筆帖式四員內通曉蒙古文筆帖式  
二員行理藩院咨取

乾隆十四年順天府奏准凡應繙譯鄉試者除  
生員已遵例錄科外其文生員貢監天文生中  
書筆帖式等均照文鄉試八旗貢監錄科之例  
一體錄科列在一二三等者准其鄉試其餘概

不准入場。則真才得以入彀。薄劣難以濫竽。庶  
於考試繙譯事宜。更爲周密。至錄科題目。應照  
考試繙譯童生之例。恭請

欽命。

欽點大臣憑文選取。分等第名次。同科考生員名冊。併  
交禮部出榜曉諭。以昭畫一。所有錄科應用供  
給食物紙張筆墨等項。應請於大興宛平兩縣  
經費項下覈銷。其餘一切事宜。悉照考試繙譯  
童生之例。畫一辦理。

乾隆十七年。御史薛徽奏准。本年八月內。蒙

恩。點充繙譯會試監試。竊見閱卷大臣等。在

朝。關防校閱。每日有各衙門回事人員。紛紛持稿送畫。在臣工夙夜匪懈。固不敢辭勞。而臣愚伏思敬事之道。主一無適。今既閱卷。又行看稿。在欽命大臣。矢公矢慎。原無嫌疑可避。而人迹叢雜。語言喧囂。目力交接之下。不惟心神紛煩。日不暇給。且殊非關防嚴密之道。臣於乾隆七年監試武闈後。條陳校射大臣。停其看稿。經兵部覆准。在

案竊思文武事同一例。仰請嗣後考試。無論在闈在

朝。俱停看本衙門稿案。庶司衡之臣。精神凝一。校閱詳審。而嫌疑並可預遠矣。

乾隆十九年定。繙譯會試舉人點名入場次序。其鑲黃旗正白旗。鑲白旗正藍旗。由東甬門點入。正黃旗正紅旗。鑲紅旗鑲藍旗。由西甬門點入。俱先期行文各該旗。轉傳各該舉子於二場時齊集。認牌序立聽點。以免臨時擁擠。

乾隆二十二年議准。八旗另記檔案。文武舉人。生員貢生。監生。繙譯舉人。生員。仍照從前舊例。雍正十三年並乾隆六年議定。原係另戶抱養民人爲子者。歸入民籍。仍准考試。如本係家奴。開戶另記檔案者。其本身係文武舉人。生員貢生。監生。繙譯舉人。生員。止准頂帶終身。不准再行考試。再此項人等。既經出旗爲民。所有子孫。應各照該籍民人例一體辦理。

乾隆四十年奉

上諭。據派出驗看本年會試舉人騎射王大臣等奏稱。應行考試者一百二十五人。內報近視眼者七十三人。已揀令二十人。照常騎射外。其餘實屬不能之五十三人。俱未令其騎射等語。馬步騎射。係旗人根本。卽讀書人亦不可不學。今考試一百二十餘人。內報近視眼者。竟有七十餘人之多。明係捏報。希圖規避。滿洲習氣。竟至若此。實堪憤恨。若以近視眼不能騎射。哈達哈卽係近視眼。此眾人之所共知。伊何以隨朕畋獵殺牲乎。此輩因不能騎射。遂藉口以圖僥倖。

甚屬不堪滿洲臣僕其成豈必賴此數人況此等無用人內將來亦斷不能得人所有不能騎射之五十三人俱著停其考試。豐訥亨等並未奏及。惟請嗣後交該旗大臣詳查報部。派出大臣驗明後方准免其騎射。所奏殊屬姑息。嗣後考試人內若有似此不能騎射者俱著停其考試。著爲例。再此輩明係捏報。該旗大臣等所司何事。因何出結送部。著軍機大臣查明奏聞。欽此。

乾隆四十一年奉

上諭。繙譯鄉會試停止以來已二十餘年。近日滿洲學  
習清文。善繙譯者益少。著加恩以乾隆戊戌年八月  
考試繙譯舉人。已亥年三月考試繙譯進士。既與文  
武科場日期兩不相礙。且與伊等一年之工。俾得從  
容究心繙譯。益臻精熟。欽此。

乾隆四十二年覆准。考試繙譯舉人名冊。請由  
各該旗徑送順天府覈辦。

乾隆四十三年奉

上諭。向來繙譯鄉會試墨卷。亦用謄錄對讀。再送內簾

校閱雖照科場條例辦理。但滿洲字與漢字不同。筆跡難於認識。本無弊之可防。原不必循文場易書之例。況謄錄之頒催。於繙譯文義。不能盡通。謄寫易於訛錯。且致多延時日。殊屬無謂。現屆繙譯鄉試。所有試卷止須彌封。送交內簾校閱。無庸另行謄錄對讀。著爲令。該部卽速通行遵照。欽此。

又奏准。繙譯鄉試應照舊例。止考一場。用四書清字論題一道。繙譯題一道。會試分爲兩場。頭場用四書清文題一道。孝經清文論題一道。二

場用繙譯題一道。

又定鄉會試卷照文場例以官尺校定長一尺寬四寸爲準。卷前空白九幅。以八幅印草稿起止。餘一幅以便彌封。連謄頁十六幅共二十五幅。

又奏准繙譯鄉會試向例並無迴避之條。現在考試繙譯生員等項。俱經議准照文場之例迴避。所有繙譯鄉會試。應請遵照一體迴避。

又咨准查定例文場鄉會試考官同考官知貢

舉提調監試受卷彌封收掌等官舉子內有應迴避者皆令迴避不得與試如本官不自行開出因而中式者本官議處該生斥革又乾隆四十二年欽奉

諭旨副都統叅領章京。轎門御史及供給巡綽等官。嗣後俱不必迴避等因。欽此。所有繙譯鄉會試應照此例辦理。現在文闈鄉會試供給官照提調之例一體迴避。

又奏准查向例考試滿洲繙譯約五六百人額中三十三名考試蒙古繙譯約五六十人額中

六名。此次鄉試。應考人數多寡。難以預定。未便  
卽照原額取中。應俟臨期。將滿洲蒙古入場各  
實數具奏。應各中若干名。恭候

欽定。會試中額。向例臨時題請。

欽定。仍照舊例遵行。

又順天府奏准。查從前繙譯會試。與文會試合  
爲一場。今鄉會試俱另爲一場。所有入場官員  
人役。雖有增減不同。而供給食物。自有定則。查  
文鄉會試。向例主考。監臨。都統。日給頭等供給。

房考監試提調內外收掌參領立京總理供給等官。日給二等供給。受卷彌封。膳錄對讀等。所官以及筆帖式。一切在場佐雜等委官。日給三等供給。應請照此刊刻清單。按日分散。至於各所。並在场辦事書手刻字匠等。以及一切夫役人等。每日應給食物口糧。與場中需用棚座器具什物紙張。並造冊收卷。士子需用硃卷等項。飭令大興宛平兩縣。及承辦各官。悉照文鄉會試現行定例辦理。臨期派委兩縣縣丞入場供

給鄉試。派順天府通判會試。派順天府治中總理其事。事竣按分按日覈實題銷。其貢院房舍牆垣門窗號板。應否修補添換。打掃裱糊。先期由大興宛平兩縣查明詳報。順天府驗實報部酌量修補添換。亦照鄉會試定例遵行。

乾隆四十四年定。文場會試卷。例應赴戶部領紙造辦。本年曾試卷少。卽由該提調自行採買紙張造辦。

又奏准。繙譯進士。請停止建立碑記。

又奏准繙譯會試中式滿洲蒙古進士應請  
賜進士出身。傳其

殿試。禮部將該進士等造具名冊。送吏部帶領引

見

又定會試置備零星物件。覓僱匠作刊刻號印  
等項。應用銀兩。照文場例。由禮部行文戶部。出  
具印領。交提調官赴領。如有餘賸。場後繳回。按  
年領銀二百兩。試畢繳銀  
三十一兩八錢一分二釐。

又奏准繙譯考試。向例與文場合同考試。其筵

宴亦與文場一體辦理。今繙譯鄉會試俱另爲一場。人數甚少。其筵宴應請停止。

乾隆四十五年奏准。繙譯場內題目。於考試先一日領出。卽應謄寫刊刻。非專員繕錄。不能尅期竣事。應由禮部派滿洲筆帖式二員。隨主考入場。專司其事。事竣卽留內簾關防。填寫榜文。毋庸另派填榜筆帖式。

又奏准。繙譯考試。上年經大學士公阿桂奏准。內簾主考閱卷用硃筆。同考用紫筆。內監試用

藍筆。原因校閱墨卷。不便仍用墨筆。所以慎重。關防之意。但刷印題紙。及繕寫題紙進。

呈。俱用墨色。今酌擬內簾應用墨色。均交內監試。掌管內監試。並無校閱之責。於關防亦無違礙。同考官現已奉。

旨裁撤。

又奏准。繙譯鄉會試。士子違式試卷。向無貼例。其有不能完場。及越幅曳白等項。違式顯然者。應比照文場之例。將試卷扣除。

又奏准。滿洲蒙古漢軍。應分別紅號取中。查繙

譯鄉試向例滿洲編滿字號蒙古編蒙字號漢  
軍編合字號蒙古士子習滿洲繙譯者編滿蒙  
字號會試分別滿洲蒙古字號等因在案伏思  
鄉會試事同一例應請嗣後繙譯會試紅號照  
鄉試一律分別滿字滿蒙字合字蒙字等號令  
考官等憑各字號佳卷取中庶士子等各知鼓  
勵若滿蒙字合字號文藝平常考官等亦不得  
拘泥錄取

乾隆五十二年覆准繙譯鄉試於乾隆四十四

年欽奉

諭旨。先試騎射。其新進生員。自應遵

旨辦理。且現距鄉試之期。一月有餘。無難趕辦。非如乾隆九年。新進生員出案數日。卽屆鄉試。可比應劄覆順府尹。卽行次咨送旗冊。送兵部辦理考試。

又奏准。闈中例有空白試卷。以備士子污損錯誤。臨時換給此項試卷。俱鈐有印信。誠恐士子賄屬承辦書吏。將印卷偷買。並勾通巡場人役。

預先攜帶入場。將場中尾末空號。私行截用。關  
會連號之生。彼此將官領印卷藏匿。以私買空  
白印卷。混入號舍。代倩作文。嗣後應將預備空  
白試卷之例。概行停止。併飭令禮部堂官。順天  
府府尹。於印卷時。親行監視。以防盜印。應試士  
子人各一卷。不准換易。

又奉

旨。頃據喀寧阿等考試入旗各處滿洲教習人等。進呈  
試卷。內風俗字樣。俱繙文。此雖係舊定成語。

但初定時已失字矣。久行不易者。始謂之爲。隨  
時人之常習。謂之風。理宜繙作。至。是。所有  
進呈試卷。已經改正。將此著交繙書房。將清文鑑照  
依改正。宣示各處遵行外。從前德通在時。所繙清語  
內。阿岱不曉者甚多。阿岱善於清語。何至於不曉。究  
係德通固執漢文。拘泥成語。不能取意。以至繙成漢  
文語氣。阿岱始不能明晰。是以彼時曾經降旨曉諭  
衆人。大凡繙清。必順滿文取意。繙譯方可令人易曉。  
不然。棄舍滿文語氣。因循漢文繙譯。則竟至失卻滿

文舊規著將此通行各處嗣後一切繕清必遵朕屢次訓旨遵照滿文舊規取意繕譯斷不可拘泥漢文繕譯欽此

乾隆五十七年覆准查乾隆四十三年五十二年兩次繕譯鄉試適值繕譯小考年分卽以小考之閱卷大臣先行辦理錄科所有應考繕譯鄉試錄科人員均由順天府尹行文入旗都統查取名冊咨送兵部奏派王大臣考試騎射並將場中所需副都統及稽察點名御史等官照

例行文兵部都察院查辦其閱卷大臣司員及  
搜檢王大臣等由禮部題請

欽點俟兵部劄發箭冊到日該府尹定期咨呈禮部辦  
理所有繹譯滿洲及蒙古文字題目各一道先  
期奏請

欽命由該府尹祇領送入貢院欽遵辦理今壬子科繹  
譯鄉試非考試繹譯童生之年其錄科應辦事  
宜自應照考試繹譯童生之例辦理

又覆准查繹譯錄科止須將鄉試人員分別等

第從前乾隆四十三年五十二年繙譯鄉試錄  
科與繙譯童生同場考試。閱卷大臣等官。僅於  
繙譯童生內。有子弟宗族姻親應考者。開出迴  
避。其錄科各生。俱不開出。本年壬子科繙譯鄉  
試錄科。應仍照向例辦理。

又據順天府咨准。鄉會試入場辦理分卷等事。  
書吏前於乾隆五十四年議准。於各部院衙門  
經承書吏內。每處挑選數名。寬爲預備。屆期造  
具花名清冊。咨送監臨。知貢舉監試。提調。按照

各冊花名。掣籤入場。今繙譯鄉試。與文場事同一例。但人數減少。所有入場書吏。應酌減各取。乾隆五十八年。吏部奏准。各部院滿洲堂官內。由贊禮郎讀祝官出身者。係專司祭祀事宜。且兼太常寺等處行走。差務繁多。恐於繙譯未能諳習。應行扣除。

嘉慶五年議准。乾隆年間。宗室曾經考試繙譯。嗣後凡遇考試繙譯鄉會試之年。宗室亦應照文場鄉會試之例辦理。

嘉慶七年具奏宗室繙譯鄉試事宜一摺奉

旨宗室繙譯鄉試另行命題由順天府照例請領其試

卷不必進呈將來繙譯鄉會試俱照此辦理欽此

是

年繙譯鄉試恭遇

聖駕駐蹕熱河

所有宗室試卷遵

旨不進呈

又奏准宗室繙譯鄉試中額照滿洲蒙古之例

由至公堂將入場人數咨部奏請

欽定

中額載下卷

嘉慶八年奏准宗室繙譯會試照宗室文會試

之例考試一場試以清字四書文題一道繙譯

題一道

嘉慶九年奉

上諭。據監試署給事中皂麟等奏。號舍實數止九千一百餘間。本年科舉共九千二百餘名。又因三場併試。繙譯四百餘名。不敷坐用。因將彈壓等處席棚編列坐號。防範難周。懇請將繙譯鄉試更定日定等語。本年繙譯士子。於文鄉試第三場併試。係屬新例。初次舉行。欲事歸簡易。轉致人數過多。坐號不敷。自應另爲改易。因思考試宗室。在文闈頭場。與各士子一體

局試亦未周妥。且祇一文一詩。竟日即可交卷。嗣後宗室鄉會試。著改於各士子鄉會試三場完畢後。十七日點進。當日完場。其繙譯鄉會試。著於十八日進場考試。來年會試。卽照此辦理。欽此。

按現行繙譯鄉會試。俟文闈揭曉後。

曉後考試

又議覆御史玉慶條奏。繙譯鄉會試。照舊添設

同考官。

現已裁撤。

仍在

文華殿校閱。伏思繙譯鄉會試。別立科目。爲旗人進身之階。實屬掄才大典。辦理不厭周詳。應如

該御史所奏。仍照舊例。添設滿洲同考官四員。蒙古同考官二員。公同校閱。以昭慎重。但

文華殿爲

禁廷重地。上次鄉試閱卷。有滿洲蒙古主考。監試御史。收掌司員等官。其住宿房屋。僅足敷用。今議添滿洲蒙古同考官六員。房屋更屬難容。加以一切跟役吏胥。雜沓其間。究於體制未協。應請嗣後除宗室文場鄉會試士子。欽遵

諭旨。於十七日點進。當日出場。仍由宗人府於左右宗

人內先期奏請

欽派宗人一員。是日入闈彈壓。以崇體制。其試卷仍照

舊交文闈考官擬取進

呈恭候

欽定外。至宗室入旗繙譯鄉會試。均俟文闈定有揭曉

日期。禮部預將繙譯主考同考。繙譯提調。內外

簾監試。暨外簾各官題請

欽派。卽於揭曉之後一日宣

旨入場。士子於揭曉之後二日點進。其宗室應繙譯試

者仍請於頭場先行點進。另居東文場字號。並知會文闈原

派宗人一體入闈彈壓。以示區別。其監臨知貢舉。卽留文闈。滿洲大臣一員。外場巡察等官。卽於文闈滿洲科道漢科道各員內。籤掣留半。號軍供應人役。照文場例酌留。至彈壓八旗副都統。搜檢稽察王大臣。責成文闈

派出各員一體辦理。毋庸另派。庶內簾房屋足用。關防更爲嚴密。而接續考試。爲日無多。支應亦屬簡

便似於場務有裨等因奉

旨依議欽此

嘉慶十年奉

上諭向來繙譯會試頭二場題目均係欽命因思順天鄉試及會試文場每屆命題惟頭場四書詩題係由欽命其二三場題目由正副考官公同擬出繙譯會試事同一例其二場題目何以概請欽命況主司既能閱文焉有不能出題之理嗣後繙譯會試除頭場文諭欽命題目外其二場題目應否卽交考官擬出

之處仍著禮部妥議奏定。載入科場條例。欽此遵

旨議准。繙譯鄉會試爲入旗士子進身之階。近改爲三年一舉。一切事例。與文場鄉會試大畧相同。旗人素習繙譯。誠如

聖諭。考官旣能閱文。焉有不能出題之理。查二場用繙譯。較頭場作清字文論稍難。惟精通繙譯者。方與漢文文理不悖。若命考官出題。校閱更爲明晰。於頭場清文。亦可互相印證。應請嗣後繙譯會試。除頭場文論題遵

旨仍由禮部恭請

欽命外。其二場滿洲蒙古繙譯題目。由考官自行擬出。刊發各士子。仍照文場例。於二場士子出闈日。將題紙進

呈。以昭慎重。至繙譯鄉試。與宗室會試。定例止考一場。除鄉試之四書清字論題。及宗室會試之清字文題。仍照舊恭請

欽命外。其繙譯題。亦應請令考官擬出。以歸畫一。再文場鄉會試。例由禮部先期移送庫存應用書籍。

入場以憑查閱。其繙譯會試亦應請將清字應用書籍移送入場以資覈對等因奉

旨。依議。欽此。

又奏定。繙譯考試應將場內應用各項清書開單移咨

武英殿各刷印一部。移送禮部存庫備用。計咨取古文淵鑑一部。五經一部。四書一部。性理精義一部。清文鑑一部。資治通鑑一部。六部成語一部。孝經衍義一部。清文補彙一部。清文彙書一

部俱須清漢合璧。

嘉慶十三年具奏。本年恭遇

恩科年分。繙譯鄉試入場日期。與武會試內場日期相  
值。自應通融辦理。伏查武會試外場完竣後。卽  
將覈定雙單好各冊。嚴密封固。盛箱送入貢院。  
交監試御史收管。以杜弊竇。未便隔十餘日。始  
進內場。恐爲時太久。雖經封固。易滋漏洩。且查  
繙譯鄉試應試士子。係屬旗人。武會試係各省  
武舉。若將武會試展限。未免守候需時。所有武

會試外場開已。及內場日期。擬請仍循其舊。繙  
譯鄉試。改於武會試內場揭曉後接考之處。恭  
候

訓示遵行。如蒙

俞允其繙譯鄉試。卽由禮部預將繙譯主考同考。現已裁撤

及內外簾監試。外簾各官題請

欽派於武會試內場揭曉之後一日。宣

旨入場。其滿洲監臨大臣。卽與考官同日入闈。繙譯士

子。於後二日點進。外場巡察御史。於文闈揭曉

後照例籤掣留半。俟武會試揭曉之前一日。仍令前往貢院稽察。以昭嚴密。至巡牆科道。及搜檢稽察王大臣。仍由禮部屆期移會。照例辦理。於考試繙譯事宜。亦不致相妨礙等因。奉

旨。本年繙譯鄉試入場日期。既與武會試內場相值。著照明亮等所奏。改於武會試內場揭曉後再行接考。嗣後繙譯鄉試。遇有似此相值年分。卽照此次辦理。欽此。

又覆准。查現任小京官筆帖式。及未經得缺之

郎中員外主事。由貢監生員出身者。向均准其應試。今

裕陵奉祀禮部讀祝官塔興阿。係由文生員出身。願應繙譯鄉試。自應比照筆帖式等小京官之例。准其一體應試。

又奉

上諭。前日據宜興托津奏。閱看宗室繙譯試卷。計十三本。擇其清文通順者三本進呈。恭候欽定。取中名數。照例發交知貢舉拆名揭榜等語。朕以摺內並無上

屆應試人數及取中數目。無從比較。是以特將原摺存留。令軍機大臣查明。歷屆人數中額。再行覈辦。祇先將試卷發回。乃本日知貢舉德文奏稱。內簾擬取試卷。昨經禮部發交至公堂。業已拆封填榜。將中式三人名單進呈等語。宜興等既經繕摺具奏。請欽定中額。自應俟奏摺發回後。有旨令其取中幾人。再行移知致公堂。欽遵辦理。豈有不候奏摺發回。輒將試卷中式之理。雖現在查明嘉慶八年。宗室繙譯會試中額。係於四名內取中二名。十年。係於九名內取中

二名。本科應試者有十三人。原可中式三名。所取尙不爲濫。但該考官不候原摺發回。卽行取中。究屬冒昧。宜興托津著交部議處。欽此。

又奉

上諭。禮部具題繙譯會試中額一本。朕已酌定批示矣。繙譯會試與文會試事同一例。自應將上三屆應試人數。及取中額數。分晰開單呈覽。以便比較增減。乃該部具題本內。僅將上三屆取中額數開單進呈。而於應試人數若干。未經聲敘。辦理殊屬草率。禮部堂

官著交部察議。嗣後著照文會試之例。分晰開單。請旨以昭畫一。欽此。

又奉

上諭。前因宜興托津派閱宗室繙譯試卷。於奏請欽定中額之摺。未經發回。卽行取中。是以交部議處。本日詢據宜興等奏稱。前日試卷發回時。拆封揭榜。係由知貢舉辦理。並不會同內簾等語。復經詢之德文。據德文亦稱。前日禮部筆帖式齋回試卷。原經告知德文。以此摺尙在留中。查取比較數目。伊一時疎忽。卽

憑試卷拆封揭榜等語。此事既係外場辦理錯誤。與內簾無涉。自應將知貢舉交議。德文著交部察議。其宜與托津前此交議之處。著寬免。欽此。

嘉慶十四年奉

旨。據禮部奏本年繙譯會試。應試蒙古文士子。僅止三名。可見八旗蒙古人等。平日俱不用心習學。八旗蒙古人等。中式蒙古舉人者不少。今屆會試之期。應試者僅止三人。或由別途授職。或因挑取別項差使。遂心生怠惰。不加勤習。以致不能會試。此皆由該管大

臣官員等不能善爲訓導所致。均著申飭外。此次會試三人俱著扣除。所有派出閱看蒙古文試卷大臣博興及同考官等。著卽出闈。嗣後八旗蒙古人等。務須加意習學。下屆會試時。報考者若至七八人。方准考試。如人數不敷。卽著停止。著爲令。欽此。

嘉慶十五年奉

上諭。向來鄉會試文闈。各有例設漢字書籍。以備考官檢查之用。其繙譯考試亦應仿照辦理。著禮部酌議應用何書。奏明交武英殿備辦。每屆試期照例咨取。

應用。欽此遵。

旨查繙譯鄉會試。自嘉慶十年議准。清字文題論。仍恭請

欽命。其繙譯題目。均由考官擬出。當經聲明。照文場鄉會試例由。

武英殿發給書籍。收存備用。在案。現查

武英殿發給禮部收存清漢字書籍六種。爲數究屬無多。於繙譯考試。預備考官檢查之處。尙恐未能周備。謹遵

旨詳細酌擬。繙譯應用清漢字書籍十五種。及禮部現存書目。分繕清單。恭呈

御覽。伏候

命下。行文

武英殿。除前經發存禮部者。毋庸再給外。其餘各種。備辦二分。一頒發順天府。預備繙譯鄉試。一頒發禮部。預備繙譯會試。均令敬謹收存等因。奉

旨依議。欽此。計頒發順天府。

聖諭廣訓清漢各一部。

日講易經清漢各一部。

日講書經清漢各一部。

日講春秋清漢各一部。

日講四書清漢各一部。清漢合璧五經各一部。清漢合

璧四書一部。孝經清漢各一部。性理精義清漢

各一部。小學清漢各一部。通鑑綱目清漢各一

部。古文淵鑑清漢各一部。四體清文鑑一部。增

訂清文鑑一部。蒙古清文鑑一部。又補發禮部

聖諭廣訓

日講易經

日講書經

日講春秋

日講四書性理精義通鑑綱目古文淵鑑清漢各一部

增訂清文鑑一部

又卷

上諭曹師曾奏鄉會試考官等聽候宣旨請添派御史稽查一摺。每科鄉會試屆期所有正副考官及同考

御史等官。自應遵照定例。在午門前恭候。宣旨謝恩。卽行入場。近日竟有不到午門前祇候者。在家得信。徑赴貢院。殊非敬事慎密之道。著照所請。嗣後添派滿漢御史各一員。查收應行聽宣職名。除內廷行走。與是日在圓明園奏事。及有執事各員。先期行知都察院外。如有無故不到者。卽將該員叅奏扣除。不准入場。仍交部議處。欽此。

嘉慶十六年奏准。本年辛未科繙譯會試。應俟文會試揭曉後。一日舉行恭遇。

聖駕巡幸五臺。所有宗室繙譯會試考試一場。應恭請  
欽命清字四書文題一道。八旗繙譯會試頭場。應恭請  
欽命清字四書文題一道。清字孝經論題一道。理合先  
期恭摺奏

聞屆期照例由宗人府府丞同禮部堂官赴留京辦事  
王大臣處祇領。送入貢院。交知貢舉轉送內簾。  
刊刻給發。其啟匣鑰匙。仍由留京辦事王大臣。  
交主考帶入場內。臨期啟用。

又內務府具奏。據內務府繙譯進士善慶呈稱。

見奉

本年四月十七日吏部帶領新中緒譯進士引

旨舒明阿保剛善慶以額外主事用欽此經吏部將舒

明阿鐵掣太僕寺保剛鐵掣理藩院以善慶係

內務府之人咨送內務府自行辦理經內務府

查明向無補用繙譯進士出身官員之例乾隆

十三年內務府繙譯進士快亮精額里俱經吏

部籤掣分部在額外主事上行走等因咨覆吏

部旋據吏部以內務府官員不准與外旗滿洲

員缺升轉且此次善慶係奉

旨以額外主事用與前快亮等奉

旨分部行走者不同未便令其分部佔補外旗額缺等語伏查乾隆四年內閣奉

上諭今年繙譯會試取中三十二人雖從前有照例殿試之議但此科人數甚少不必舉行殿試俱著賜進士出身吏部帶領引見候朕酌量錄用其優者以六部主事卽用次者在主事上學習行走該堂官照例題補又次者照滿洲進士例選用欽此此繙譯進士

奉

旨以額外主事用者。應籤掣六部之成例也。又查乾隆十年內務府繙譯進士郎圖。籤掣兵部以額外主事用。乾隆十三年內務府繙譯進士精額里。籤掣吏部以額外主事用。此又繙譯進士向不歸內務府補用之成案也。茲查善慶既由繙譯進士出身奉

旨以額外主事用。自應遵照例案。籤掣部院行走。乃吏部以善慶係內務府人員。咨送內務府自行辦

理似與辦過例案均不相符相應請

旨嚴辦等因奉

旨善慶著籤掣分部行走嗣後內務府人中式繙譯舉人仍在內務府補用中式繙譯進士人員著與八旗繙譯進士一體掣籤分部行走欽此

嘉慶十九年禮部具題甲戌科繙譯會試考官一疏奉

旨遣景安爲滿洲繙譯正考官熙昌爲副考官欽此查內閣學士熙昌奉

旨派往朝陽平泉審案。本日經大學士董誥等。將禮部

題請主考官原單進

呈請

旨改派。奉

旨。副考官著穆克登額去。卽刻入場。欽此。

又奉

旨。向來部院各衙門。遇有請派事件。均將上屆派出各員。開列比較單呈覽。此次考試拔貢。禮部單開嘉慶七年派出搜檢王大臣內。已故者十二員。不應仍行

開寫。嗣後各衙門開列比較單。著將上屆派出之員。敘明共若干員。聲明已故若干員。扣除將現存者。按名開單進呈。欽此。

嘉慶二十四年奉

上諭。著自本科會試爲始。禮部於三月初四日。將題本

送閣。初三日進呈。

現在文闈鄉會試題本。於初三日送閣。初四日進呈。初六日

發下。卽交捧本侍衛齋往等因。欽此。欽遵在案。查繙

譯會試與文會試事同一例。本年己卯

恩科。繙譯會試。於文會試揭曉後一日舉行。所有屆期

將題本於前一日進

呈及繙譯主考等官在

午門前聽候宣

旨似應遵照文會試之例一體辦理奉

旨依議欽此

又奉

上諭。此次宗室繙譯會試。祇有九人。爲數過少。此皆伊等平時專務漢文。不以清文爲先務所致。國語騎射。乃我滿洲要務。宗室等時當力學。卽習漢文清文。亦

金史卷一百一十五 名三十三  
當以清文爲要。若將國語騎射。置而不務。專事文章。  
久之。滿洲舊業。必致廢弛。此風斷不可長。著交管理  
宗人府王公等。曉諭入旗宗室。務將國語騎射。留心  
習學。勿得專務漢文。前次宗室繙譯會試。十九人內。  
曾取中三名。十一人內。曾取中二名。此次會試。僅止  
九人。朕仍加恩。取中二名。嗣後繙譯會試。若足九人。  
著仍取中二名。若不足九人。著卽停止入場。欽此。

又奉

上諭御史喻士藩奏。繙譯會試。請照文闈之例。一體覆

試一摺。所奏甚是。國家設立繙譯鄉會試。原令旗人  
鄉習圖書以圖上進。今據該御史奏稱。應試之人。往  
往倩人搶替。而通曉繙譯者。因此牟利。轉終身不願  
中式。此事朕亦頗有風聞。近科繙譯取中之人。竟有  
不能清語者。實屬冒濫。既往姑免深究。嗣後考試繙  
譯。不但會試應照文闈例覆試。卽鄉試亦當一律覆  
試。俱著禮部奏請。於揭曉後定期傳齊中式之人。在  
內廷覆試。屆時欽命試題。並派員監察。以杜倖進而  
覈真才。若查出情弊。立置重典。慎之戒之。勿謂不教。

而誅也。欽此。

又奉

上諭。繙譯鄉會試覆試。毋庸作一文一論著。定爲繙古  
今文一篇。欽此。

又禮部奏。宗室繙譯鄉試。人數過少。暫行停止  
一摺。奉

上諭。崇祿等奏。請暫停宗室繙譯鄉試。一摺。本年宗室  
繙譯鄉試。兵部考試騎射者八名。現報患病者七名。  
僅餘一名。應著殊恩。不成事體。本科著停止考試。嗣

後總俟足二十名之數。方准奏請入闕。不足二十名之數。仍行停止。欽此。

又禮部具奉。本月十八日。繙譯鄉試宣

旨。監察御史邱煌

派充外簾監試。於十七日據都察院咨稱。邱煌呈稱。現在患病等因。今該御史不克入闕。所有至公堂監試事務。應照例令監臨於場內通融辦理。

道光元年奉

上諭。據御史奏。近日繙譯考試。多有槍冒頂替等弊。磚

門御史點名時親友跟役擁擠喧嘩。不遵約束。請派員彈壓等語。考試場規。理應嚴肅。繙譯事同一例。何得似此漫無約束。嗣後考試入旗繙譯。著承辦場務衙門。奏請簡派左右翼副都統各一員。屆期帶領所屬官兵。在點名之處稽查彈壓。令士子等魚貫入場。如有喧鬧冒混者。按例懲辦。並請御史等據實參奏。以肅場規而除積弊。著爲令。欽此。

道光八年奉

上諭。敬徵奏請將繙譯科場同考官裁撤一摺。繙譯科

場專論清文清字易於辨認。非若鄉會文場之有謄錄對讀。關防嚴密。向來同考官銜名。先期由各衙門咨送。而各部院精通繙譯之員。爲數無多。半皆熟手。易啟揣摩。資錄之弊。不可不防。且試卷至多。不過二千餘本。閱卷大臣。無難全數閱看。嗣後凡遇繙譯科場。此項同考官。著卽裁撤。屆期該部將應試人數。奏明請旨。候朕酌派大臣。公同校閱。以拔真才。而杜弊端。欽此。

又奉

旨奎昌。懷塔布。聯太倭。恒額。四人文理欠通。錯誤太甚。俱著罰停會試一科。欽此。

又奉

上諭。我朝掄才取士。於定立制科之外。復設繙譯科目。既以廣入旗士子登進之階。亦識不忘本業。立法洵爲至善。無如近日旗人力學者少。轉視科目爲迂塗。不復勉圖進取。卽如從前乾隆年間。繙譯鄉試。滿洲約五六百人。蒙古約五六十人。本年應試人數。計考滿洲繙譯者。僅一百三十餘人。蒙古繙譯者。僅二十

餘人。人數既較前多寡懸殊。而取中之卷。自係簡拔其尤。乃昨日覆試中式。滿洲繙譯舉子八名內。卽有文理欠通。錯誤太甚者四名。罰令停科。其餘未經中式之卷。文義字畫。概可想見。清語騎射。爲旗人根本。近日八旗生齒日繁。而勤學應舉者。轉日見其少。豈國家設立科目。本意。特降旨申諭八旗人等。嗣後務當父教其子。兄誡其弟。勤加策勵。共効觀摩。期於精研本業。以備旁求。毋負朕諄諄誥誡至意。欽此。

道光十二年奏

旨禮部奏恭繙譯錄科試卷所有蒙古二等三等卷面漏未填寫等第名次。當經咨查將原卷送部。均係黏貼浮簽。並未於卷面上填寫名次。殊屬遺漏。著交吏部將場內遺漏填寫卷面名次之員。查取職名。照例議處。欽此。

又奉

諭李振祐奏恭委員齋送試卷遲延。並自請議處一摺。本年繙譯錄科。二三等試卷。經府丞派委教授與文等齋送禮部填榜。乃該教授等。轉將試卷交到順

天府署復另派員齋赴禮部。致稽填榜日期。該教授等既已漏送於前。又不趕送於後。遲延之咎。實無可辭。順天府滿洲教授興文。訓導景和。著交部議處。李振祐。未能先事查察。著一併交部議處。欽此。

道光十五年奉

旨。此次繙譯鄉試。內務府鑲黃旗漢軍士子玉麟。正白旗漢軍士子瑞廷。裕昌之認識章京。曠誤未到。著各該旗查取職名。交部照例議處。欽此。

又奉

上諭。此次繙譯鄉試中式舉子。著於本月二十八日。在乾清宮覆試。欽此。

又奉

上諭。御史阿林保奏請。嚴密稽查入旗繙譯考試一摺。向來考取繙譯童生。先由順天府行文入旗都統。由入旗都統考取造冊。咨送再行考試。定例極爲周密。若果認真遵行。何至有槍冒等弊。嗣後入旗都統。考送繙譯生童時。著先令各該旗佐領領催。出具並無槍冒圖結。定期赴本旗都統衙門考試。至期卽令該

佐領領催。帶同赴考。該都統副都統親自監試錄取。清漢文理精通者再行咨行順天府考試。俟奏派考試時。仍飭令該佐領出具圖結。同派出叅領領催。當場識認。方准入場。儻該佐領等有知情通同舞弊等情。卽奏請從嚴議處。其鄉會緝譯場。該佐領等臨場識認。亦著遵照辦理。至考試場內。應如何嚴密稽察。及中式後。應如何覆試覈對筆蹟。著禮部順天府妥議章程具奏。欽此。

又奏准。鄉會試中式各卷。封送軍機處。交

欽派覆試閱卷大臣。嚴對筆蹟。以昭嚴密。而杜弊端。

道光十六年奉

上諭。御史富隆額奏。請認真考試繙譯一摺。科場條例內載。繙譯鄉會試。俱照文鄉會試之例辦理。立法防弊。已極周密。該御史所奏。添派分校各條。著毋庸議。其正副考官。如有隨帶通曉繙譯之人。暗中襄事。著監試御史叅奏。至所稱繙譯舉人。遇繙譯中書筆帖式等缺。一體補用之處。著吏部議奏。欽此。

道光二十年。軍機大臣。面奉

諭旨。嗣後文闈鄉會試點派考官密本。著仍於初三日。將題本送闕。初四日進呈。其繙譯鄉會試密本。送闕進呈日期。亦著改前一日。欽此。

又准順天府咨呈稱。本年繙譯鄉試蒙古人數。不足七八人之數。是否卽行停止。應咨禮部查照。覈覆等因。查定例。繙譯考試。應試蒙古士子。報考者至七八人。方准考試。如人數不敷。卽行停止等語。前准順天府咨呈。蒙古繙譯士子。僅止六名。覈與定例不符。應卽停其考試。

道光二十四年。本部酌定滿洲繙譯會試。並不  
分滿蒙漢取中。現在京旗蒙古士子。報考滿洲  
繙譯者。僅止二人。漢軍報考滿洲繙譯者。僅止  
三人。駐防蒙古士子。報考滿洲繙譯者。亦僅止  
二人。若俱分晰另打字號。卷數無多。易於辨認。  
恐致滋生弊端。所有此次繙譯會試試卷卷尾。  
毋庸刷滿洲蒙古漢軍字樣。彌封處亦毋庸打  
滿蒙合字號。以昭嚴密而慎關防。

又本部具奏。前經奏

派順天鄉試監臨奉

硃筆圈出福濟李德欽此八月十九日奉

上諭盛京兵部侍郎著福濟補授欽此查繙譯鄉試向由滿監臨辦理如遇武會試之年滿監臨應於文闈揭曉後暫行出關俟武會試完畢再行入關接辦繙譯鄉試今福濟補授

盛京兵部侍郎所有繙譯場務是否卽令該員於武會試後入關接辦抑或另行

簡派一員之處恭請

欽定奉

硃筆。仍著福濟辦理。欽此。

道光二十六年。本部具奏。繙譯鄉試中式士子。覆試一摺。奉

旨。著於本月十八日。在圓明園正大光明殿覆試。欽此。  
道光二十七年。本部具奏。前經奏

派會試知貢舉。奉

硃筆。圈出靈桂。季芝昌。欽此。本月初九日。奉

旨。盛京兵部侍郎著靈桂補授。欽此。查文會試係於初

十日揭曉十一日卽應舉行繙譯會試所有繙  
譯場務可否卽令滿育舉靈桂接辦奉

硃筆仍著靈桂辦理欽此